

BAHASA MELAYU (1182)

Untuk peperiksaan yang akan ditawarkan bermula pada tahun 2012

1 TUJUAN PEPERIKSAAN

Peperiksaan GCE Bahasa Melayu Peringkat Normal Akademik bertujuan untuk mengukur tahap pencapaian dan kecekapan calon dalam bidang bahasa berdasarkan objektif Sukatan Pelajaran Bahasa Melayu Peringkat Sekolah Menengah, Kementerian Pendidikan.

2 OBJEKTIF PENILAIAN

Peperiksaan Bahasa Melayu bertujuan untuk menilai keupayaan calon:

- (a) mendengar dan memahami pelbagai jenis teks lisan, mengingat butir-butir, mengenal pasti idea penting dan idea tersirat dalam teks yang didengar;
- (b) membaca teks secara lantang dengan lancar, sebutan yang betul, artikulasi yang jelas, intonasi dan tekanan suara yang sesuai dengan menggunakan sebutan baku;
- (c) bertutur dengan fasih dan jelas dalam situasi sehari-hari dan memberikan respons yang sesuai secara lisan terhadap pelbagai rangsangan (misalnya, gambar atau topik) dalam bahasa Melayu baku;
- (d) membaca dan memahami pelbagai jenis teks dan memberikan respons terhadap teks seperti:
 - mengenal pasti maklumat khusus yang diperlukan
 - mengenal pasti idea utama
 - memastikan sebab dan akibat
 - membuat perbandingan
 - memberikan penerangan
 - membuat inferens/kesimpulan yang mudah mengenai makna yang tersirat
 - memberikan sebab/penjelasan untuk menyokong sesuatu respons atau pendapat
 - menerangkan makna perkataan/frasa mengikut konteks;
- (e) mengaplikasikan pengetahuan kosa kata dan tatabahasa dalam konteks yang sesuai;
- (f) memahami makna peribahasa dan menggunakan peribahasa dalam konteks yang sesuai dan
- (g) menulis pelbagai jenis karangan dengan berkesan untuk pelbagai tujuan, khalayak dan situasi.

3 JADUAL PENGKHUSUSAN

Kertas (Masa)	Komponen	Jenis Item	Jumlah Soalan (Jumlah soalan yang perlu dijawab)	Markah (Timbangan)	Penerangan
1 (2 jam)	<u>Karangan</u> <u>Bahagian A</u> Penulisan Fungsional menggunakan format e-mel <ul style="list-style-type: none"> E-mel Tidak Formal E-mel Formal 	Respons Bebas	2 (1)	20 (10%)	Karangan harus sekurang-kurangnya 100 patah perkataan. Calon dikehendaki menulis respons kepada e-mel peribadi. Berdasarkan maklumat yang diberikan, calon dikehendaki menulis e-mel formal. Sebagai contoh, kepada ruangan forum, untuk melaporkan insiden kepada pihak sekolah dan lain-lain lagi.
	<u>Bahagian B</u> Penulisan Esei <ul style="list-style-type: none"> Deskriptif Ekspositori Naratif 		4 (1)	40 (20%)	Karangan harus sekurang-kurangnya 200 patah perkataan.
	<i>Jumlah</i>		6 (2)	60 (30%)	
2 (1 jam 30 min)	<u>Penggunaan Bahasa dan Pemahaman</u> <u>Bahagian A</u> Penggunaan Bahasa <ul style="list-style-type: none"> Pengimbuhan Peribahasa Golongan Kata 	OE FIB FIB	5 (5) 5 (5) 5 (5)	10 (5%) 5 (2.5%) 5 (2.5%)	
	<u>Bahagian B</u> Pemahaman 1	MCQ	5 (5)	10 (5%)	1-2 teks pendek; berdasarkan bahan autentik. Sebagai contoh, iklan, brosur, poster, risalah, menu dan lain-lain lagi.
	<u>Bahagian C</u> Pemahaman 2	OE	8 (8)	30 (15%)	1 teks naratif
	<i>Jumlah</i>		28 (28)	60 (30%)	

Kertas (Masa)	Komponen	Jenis Item	Jumlah Soalan (Jumlah soalan yang perlu dijawab)	Markah (Timbangan)	Penerangan
3 (15 min)	<u>Lisan & Kefahaman Mendengar</u> <u>Lisan</u> Bahagian A Bacaan Lantang		1 (1)	20 (10%)	
	<u>Bahagian B</u> Perbualan Bahagian 1: Perbualan Berdasarkan Gambar Bahagian 2: Perbualan Berdasarkan Topik		1 (1)	40 (20%)	Calon dikehendaki berbual berdasarkan gambar yang diberikan. Calon dikehendaki berbual mengenai topik yang diberikan. Topik yang diberikan berkaitan dengan tema gambar.
	(Lebih kurang 30 min) <u>Kefahaman Mendengar</u>	MCQ	10 (10)	20 (10%)	6 teks autentik termasuk 3 teks pendek; 1 soalan bagi setiap teks pendek.
	<i>Jumlah</i>		12 (12)	80 (40%)	

SENARAI PERIBAHASA MENENGAH 1

1. Air dicencang tiada putus	Perbalahan atau pergaduhan antara saudara-mara tidak akan berpanjangan kerana akhirnya mereka akan berbaik-baik semula.
2. Bagai harimau beranak muda	Keadaan seseorang yang sangat bengis, garang dsb.
3. Bagai itik berebutkan tembolok	a) Perbalahan kerana sebab yang terlalu kecil. b) Perbalahan kerana makanan atau keuntungan yang sedikit.
4. Bagaimana acuan begitulah kuihnya	a) Seseorang anak itu akan menurut budi dan perangai ibu bapanya. b) Keadaan sesuatu itu menurut asalnya.
5. Bagai Belanda minta tanah	Hal orang yang tamak; diberi sedikit hendak banyak, diberi banyak hendak semuanya.
6. Bagai kaduk naik junjung	Orang yang hina apabila mendapat keistimewaan (mendapat pangkat dll) akan menjadi mengada-ngada.
7. Bagai ayam bertelur di padi	Hal seseorang yang hidupnya senang, tiada kluatir akan kekurangan apa-apa.
8. Bagai hujan jatuh ke pasir	Kebaikan (pertolongan dll) yang sia-sia (tidak berbalas).
9. Bagai tikus membaiki labu	Seseorang yang cuba memperbaiki sesuatu yang tidak diketahuinya, akhirnya merosakkannya.
10. Belakang parang pun jikalau diasah nescaya tajam	a) Seseorang yang bodoh sekalipun, jika diajar betul-betul akan menjadi pandai. b) Orang yang sabar dan setia, jika dihasut boleh juga menjadi jahat.

11. Berhakim kepada beruk	Meminta pengadilan kepada seseorang yang tamak, akhirnya kedua-dua pihak akan mengalami kerugian.
12. Bukannya diam penggali berkarat, melainkan diam ubi berisi	Diam seseorang yang berilmu itu berfikir, sementara diam orang yang bodoh itu sia-sia sahaja.
13. Busut juga ditimbun oleh anai-anai	a) Orang kaya juga yang bertambah kekayaannya. b) Orang yang pernah bersalah juga yang dituduh jika berlaku sesuatu kejahatan.
14. Garam jatuh di air	Seseorang yang sangat cepat menerima dan mudah memahami sesuatu nasihat atau pengajaran yang diberikan kepadanya.
15. Ibarat bunga dedap, sungguh merah berbau tidak	Tidak guna seseorang itu cantik molek jika dia tidak berbudi bahasa yang mulia.
16. Melepaskan anjing tersepit	Menolong orang yang tidak tahu membalas budi, melainkan kadang-kadang membalas dengan perbuatan jahat.
17. Melepaskan batuk di tangga	Membuat sesuatu pekerjaan dengan tidak bersungguh-sungguh.
18. Ringan tulang, berat perut	Jika rajin dan tekun berusaha melakukan sesuatu pekerjaan, maka akan murahlah rezeki.
19. Sebab buah dikenal pohonnya	Daripada tingkah laku seseorang itu kita dapat mengetahui atau mengenali watak dan asal seseorang.
20. Seperti labah-labah cinta kepada telurnya	Perihal kasih sayang yang mendalam sekali dan sukar diceraikan.

21. Seperti pucuk yang layu disiram hujan	<p>a) Memperoleh barang yang sangat diharapkan.</p> <p>b) Orang yang susah memperoleh kesenangan, atau orang yang sakit beroleh penawar.</p>
22. Seperti tikus jatuh ke beras	<p>a) Orang yang mendapat kedudukan yang mewah.</p> <p>b) Seseorang yang beroleh kekayaan atau keuntungan tetapi tidak mahu menceritakannya kepada orang lain.</p>
23. Seperti harimau menyembunyikan kukunya	Orang yang bijaksana tetapi menyembunyikan pengetahuan dan kebolehannya.
24. Seperti ketam menyuruh anaknya berjalan betul	Tiada berguna menasihati orang lain, kalau kelakuan sendiri tiada sesuai dengan apa yang dinasihatkannya itu.
25. Takut titik lalu tumpah	Hendak mengelakkan kerugian kecil akhirnya mendapat kerugian besar.

SENARAI PERIBAHASA MENENGAH 2

26. Air yang dingin juga yang dapat memadamkan api	Perkataan yang lembut juga yang dapat mendinginkan hati orang yang sedang marah.
27. Bagai unta menyerah diri.	Orang yang terlalu bodoh dan terlalu lurus yang menjadi mangsa orang yang lebih pintar dan cerdik.
28. Bagai kerakap atas batu, hidup enggan mati tak mahu	<ul style="list-style-type: none"> a) Perihal seseorang yang hidup dalam kemiskinan dan melarat. b) Perihal seseorang yang telah lama mengidap penyakit. c) Tanaman yang tidak tentu hidup matinya.
29. Baru hendak bertunas, sudah dipetik lama-lama matilah pokoknya	Ibarat orang yang berniaga baru mendapat keuntungan sedikit sudah berbelanja besar, akhirnya habislah modal.
30. Batu yang selalu bergolek di dalam sungai itu tiada dihinggapi lumut	<ul style="list-style-type: none"> a) Orang yang selalu bertukar kerja tidak akan mencapai kejayaan dalam kerjayanya dan sukar untuk menjadi seorang yang kaya. b) Orang yang selalu menambah pengetahuannya tidak dapat ditipu orang.
31. Berkerat rotan berpatah arang	Putus perhubungan yang tidak dapat disambung semula.
32. Besar pasak dari tiang	Berbelanja lebih besar daripada pendapatan yang diperoleh.
33. Biduk lalu kiambang bertaut	Perselisihan faham yang berlaku antara saudara-mara tetapi pada masa kemudian dapat berbaik-baik semula.
34. Bodoh-bodoh sepat, tiada makan pancing emas	<ul style="list-style-type: none"> a) Walaupun seseorang itu bodoh tetapi dia masih tahu memilih yang mana baik atau yang mana buruk untuk dirinya. b) Orang bodoh yang mendapat kecelakaan kerana berpura-pura bersikap seperti orang pandai.
35. Jadi umang-umang	<ul style="list-style-type: none"> a) Orang yang menyamar kerana sesuatu muslihat b) Barang yang sama jika berlainan keadaannya maka berlainanlah pula namanya.

36. Jauhari juga yang mengenali manikam	Orang yang bijaksana jua yang mengetahui keelokan ilmu, menghargai sifat yang mulia dan dapat menilai ketinggian mutu sesuatu barang.
37. Kalau kail panjang sejengkal, jangan lautan hendak diduga	Jika ilmu atau kebolehan kita sedikit, janganlah kita cuba berbuat (melawan dll) orang atau sesuatu yang besar.
38. Kalau tidak ada helang, belalang menjadi helang	Seseorang yang bertindak mengaku bahawa dirinya seorang yang bijak serta pandai apabila dia mendapati tidak ada lagi orang yang lebih bijak dan pandai di tempat itu.
39. Kecil jangan disangka anak, besar jangan disangka bapa	Pengetahuan dan kelebihan itu tidak semestinya khusus pada orang-orang tua sahaja tetapi ada juga pada orang-orang muda.
40. Lidah bercabang bagi biawak	Selalu berubah-ubah dan tidak dapat dipercayai kata-katanya.
41. Laksana wau melawan angin	<p>a) Kehendak orang atasan atau orang yang berkuasa tidak dapat dihalang oleh orang bawahan ataupun orang yang lemah, jika dilawan binasalah diri.</p> <p>b) Membuat pekerjaan yang tidak mungkin terkerjakan.</p>
42. Pipit pekak makan berhujan	Seorang yang sangat rajin dalam suatu pekerjaan, tiada peduli akan bahaya yang akan timbul pada dirinya.
43. Seperti api dalam sekam	Perihal perbuatan yang disembunyikan tiada ketara pada orang atau berlaku secara diam-diam.
44. Seperti gergaji bermata dua	Orang yang berpura-pura berbuat baik kepada dua belah pihak sehingga beroleh keuntungan daripada kedua-duanya.
45. Seperti seludang menolak mayang	Megahkan atau menyombongkan diri.

46. Seperti gunting makan di hujung	<p>a) Seorang yang tiada disangka , tetapi dengan sembunyi-sembunyi dan perlahan-lahan dia melakukan perbuatannya.</p> <p>b) Orang yang bijak mengeluarkan kata-kata yang tajam (pedas) tetapi tidak terasa oleh orang lain.</p>
47. Terlepas dari mulut buaya, masuk ke mulut harimau	Terhindar daripada kemalangan/musibah kecil lalu menghadapi kemalangan/musibah lebih besar.
48. Tong kosong nyaring bunyinya	<p>a) Seseorang yang bodoh itu biasanya banyak cakapnya.</p> <p>b) Orang yang sombong, bercakap besar tetapi tidak berisi/tak bererti.</p>
49. Tumbuk rusuk	Memberi wang rasuah.
50. Umpama air digenggam tiada tiris	Orang yang sangat kikir atau bakhil tidak sedikit terbuka tangannya untuk menolong orang yang hidup sengsara.

SENARAI PERIBAHASA MENENGAH 3

51. Air pun ada pasang surutnya	Keadaan hidup seseorang tidak tetap, ada kalanya senang ada kalanya susah.
52. Ayam terlepas tangan berbau tahi	Orang yang membuat perbuatan yang ditegah akhirnya mendapat malu.
53. Berapa berat mata memandang, berat juga bahu memikul	Sesusah-susah orang yang melihat penderitaan seseorang itu tentulah tidak sama dengan penanggungan orang yang menderita itu sendiri.
54. Belum duduk berlunjur dahulu	a) Menganggap sudah memperoleh atau memiliki sesuatu perkara yang belum pasti dimiliki atau dikuasai. b) Orang yang cepat-cepat marah walaupun orang yang dimarahi belum tentu terbukti kesalahannya.
55. Belayar bernakhoda, berjalan dengan yang tahu, berkata dengan yang pandai	Sesuatu pekerjaan besar yang hendak dilakukan eloklah diketuai pelaksanaannya oleh orang yang memang ahli dalam perkara itu supaya selamat.
56. Besar periuk besar keraknya	Orang yang berpendapatan besar, besar juga perbelanjaannya.
57. Biar putih tulang, jangan putih mata	a) Mempertahankan sesuatu yang menjadi hak milik kita walaupun nyawa kita terancam. b) Lebih baik mati daripada menanggung malu.
58. Bertelingkah bagai antan di lesung	Orang yang sama sepekerjaan itu, jikalau sersalahan dan berkecil hati, jadi rosaklah pekerjaannya.
59. Burung terbang dipipiskan lada	Merancang sesuatu yang belum pasti diperolehi.
60. Cakap siang pandang-pandang, cakap malam dengar-dengar	Berhati-hati semasa bercakap dengan orang kerana percakapan yang sembarangan boleh membawa akibat yang buruk.

61. Ditatang bagai minyak yang penuh	Sangat dikasihi dan dipelihara dengan sempurnanya.
62. Gajah berak besar, kancil pun hendak berak besar	Hendak meniru-niru perbuatan orang besar atau kaya, akhirnya diri sendiri binasa.
63. Gajah sama gajah berjuang, pelanduk mati di tengah-tengah	Peperangan atau perselisihan yang berlaku antara dua pihak yang berkuasa menyebabkan rakyat yang binasa atau menderita.
64. Jika ular menyusur akar, tidak akan hilang bisanya.	Orang besar atau mulia tidak akan hilang martabatnya jika ia merendahkan dirinya sekalipun.
65. Ingat sebelum kena, jimat sebelum habis	Hendaklah sentiasa berhati-hati supaya jangan terpedaya dan habis harta dengan percuma.
66. Kuat ketam kerana sepit, kuat burung kerana sayap	Setiap orang mempunyai kekuatan dan kelebihan masing-masing.
67. Menegakkan benang basah	a) Menahankan sesuatu perkara yang sebenarnya tidak dapat dipertahankan lagi. b) Mengerjakan pekerjaan yang mustahil berhasil.
68. Menconteng arang di muka	Melakukan sesuatu perbuatan buruk yang boleh memberi aib atau mencemarkan nama baik ibu bapa atau keluarga.
69. Rumah sudah pahat berbunyi	a) Mencela atau bersungut tentang sesuatu yang sudah siap. b) Mengemukakan keterangan baru atau saksi baru setelah sesuatu diputuskan oleh hakim.
70. Sesat di hujung jalan, balik ke pangkal jalan	a) Sesuatu perkara yang telah terlanjur dibuat salah, hendaklah dibetulkan dengan dibuat semula dari awal. b) Jika tidak boleh dicapai persetujuan dalam sesuatu mesyuarat hendaklah diselidiki kembali pokok persoalannya, supaya dapat pertimbangan yang baik.

71. Seperti buah padi, makin berisi makin rendah; jangan seperti lalang, makin lama makin tinggi	Orang yang bangsawan dan budiman serta berilmu itu makin tinggi martabatnya, makin dia merendahkan diri; bukannya seperti orang yang tiada berbudi dan jahil, apabila diperolehinya sesuatu kelebihan, dia pun sombong.
72. Sedencing bagai besi, seciap bagai ayam	Mengerjakan sesuatu bersama-sama, baik ringan mahupun berat.
73. Seperti embun di hujung rumput	Sesuatu perkara yang tidak kekal dan segera hilang.
74. Seperti orang buta kehilangan tongkat	a) Berada dalam kesukaran b) Orang bodoh, tiada pula berusaha dalam apa yang dilakukannya sehingga menjadi sesat kehidupannya.
75. Tukang tidak membuang kayu	Orang yang cerdik, sayang kepada segala macam orang kerana masing-masing ada gunanya.